

Հերևաքար, ՀՀ բնապահպանության նախարարության աշխատակազմի բնապահպանական պետական տեսչության այն աշխատակիցները, որոնք ունեին սահմանված կարգով ստացված զենք օգտագործելու կամ գործադրելու թույլտվություն, պարտավոր էին դրանք հանձնել ՀՀ ոստիկանություն, քանի որ իրենց թույլտվությունները ուժը կորցրած էին ճանաչվել ՀՀ բնապահպանության նախարարության աշխատակազմի բնապահպանական պետական տեսչության լուծարման փաստով դեռևս 2017թ. օգոստոսի 20-ից:

Հարկ է նշել նաև, որ Տեսչական մարմնի Կանոնադրության 12-րդ կետի 6-րդ ենթակետի համաձայն Տեսչական մարմնի գործառույթներից է՝ իր իրավասությանը վերաբերող իրավական ակտերի նախագծերի մշակումը և համապատասխան մարմիններին ներկայացումը: «Բնապահպանության և ընդերքի պետական տեսուչին հատկացվող զենքի տեսակը, ձևը, մոդելը և քանակը, ինչպես նաև զենք կրելու իրավունք ունեցող պաշտոնների անվանացանկը սահմանելու մասին» ՀՀ կառավարության 2005 թվականի դեկտեմբերի 9-ի № 2242-Ն որոշման մեջ սահմանված իսկապես զենք կրելու իրավունք ունեցող պաշտոնների անվանացանկը չի համապատասխանում ներկայիս իրավիճակին (օրինակ՝ Տեսչական մարմնի ղեկավարի փոխարեն սահմանված է Տեսչության պետ), այնուամենայնիվ, Տեսչական մարմինը պետք է հետամուտ լինի իր իրավասությանը վերաբերող իրավական ակտերի միմյանց համապատասխանությանը:

Այսպիսով, հաշվի առնելով վերոգրյալը, հաշվեքննող խումբը հաշվեքննվող ժամանակաշրջանում՝ 2017թ. -ի հունվարի 1-ից 2018թ. -ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմինը չի պահպանում Տեսուչի ծառայողական զենք, զինամթերք, ձեռնաշղթա պահելու, կրելու, օգտագործելու «Բնապահպանական վերահսկողության մասին» ՀՀ օրենքի 12-րդ հոդվածի 1-ին մասի ժա) կետով, 17-րդ հոդվածով և 19-րդ հոդվածի 1-ին մասի ա) և բ) կետերով, ինչպես նաև «Բնապահպանության և ընդերքի պետական տեսուչին հատկացվող զենքի տեսակը, ձևը, մոդելը և քանակը, ինչպես նաև զենք կրելու իրավունք ունեցող պաշտոնների անվանացանկը սահմանելու մասին» ՀՀ կառավարության 2005 թվականի դեկտեմբերի 9-ի № 2242-Ն որոշմամբ սահմանված պահանջները:
2. Տեսուչները սահմանված կարգով չեն անցել հրազենի գործադրման անհրաժեշտություն առաջացնող իրադրություններում գործելու՝ իրենց պիտանիությունը որոշող պատրաստության պարբերաբար ստուգումներ, որը նախատեսված է «Բնապահպանական վերահսկողության մասին» ՀՀ օրենքի 20-րդ հոդվածի 1-ին և 5-րդ մասերով և «Ձենքի մասին» ՀՀ օրենքի 12-րդ հոդվածով:
3. Տեսչական մարմնի որոշ աշխատակիցներ զենք պահելու և օգտագործելու թույլտվություն ձեռք են բերել 5 տարի ժամկետով, մինչդեռ «Ձենքի մասին» ՀՀ օրենքի 12-րդ հոդվածով սահմանված է՝ 3 տարի ժամկետ:
4. Տեսչական մարմնի՝ զենք պահելու և օգտագործելու թույլտվություն ունեցող աշխատակիցները, որոնք այդ թույլտվությունը ստացել են լուծարված ՀՀ բնապահպանության նախարարության աշխատակազմի բնապահպանական պետական տեսչությունից, պարտավոր էին զենքը հանձնել դեռևս 2017թ. օգոստոսի 20-ից, քանի որ իրենց թույլտվությունները ուժը կորցրած են:

5. Տեսչական մարմնի ղեկավարը չի ընդունել հատուկ պատրաստություն անցած և ՀՀ ոստիկանությունից զենք ստանալու, պահելու ու կրելու թույլտվություն ստացած աշխատակիցներին զենք տրամադրելու գրավոր հրաման:
6. Տեսչական մարմինը ՀՀ Ոստիկանության հետ չի կնքել աշխատողների հատուկ պատրաստության իրականացման պայմանագիր:
7. Տեսչական մարմինը հետամուտ չի լինում իր իրավասությանը վերաբերող իրավական ակտերի միմյանց համապատասխանեցնելուն, արդյունքում՝ ՀՀ կառավարության 2005 թվականի դեկտեմբերի 9-ի № 2242-Ն որոշման մեջ սահմանված զենք կրելու իրավունք ունեցող պաշտոնների անվանացանկը չի համապատասխանում ներկայիս իրավիճակին:

Առաջարկություններ

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմնին՝

1. Կատարել «Բնապահպանական վերահսկողության մասին» ՀՀ օրենքի 12-րդ հոդվածի 1-ին մասի ժա) կետով, 17-րդ հոդվածով և 19-րդ հոդվածի 1-ին մասի ա) և բ) կետերի և «Բնապահպանության և ընդերքի պետական տեսուչին հատկացվող զենքի տեսակը, ձևը, մոդելը և քանակը, ինչպես նաև զենք կրելու իրավունք ունեցող պաշտոնների անվանացանկը սահմանելու մասին» ՀՀ կառավարության 2005 թվականի դեկտեմբերի 9-ի № 2242-Ն որոշման՝ Տեսուչներին ծառայողական զենք, զինամթերք, ձեռնաշղթա տրամադրելու, պահելու, կրելու և օգտագործելու վերաբերյալ պահանջները:
2. Պարբերաբար կազմակերպել «Բնապահպանական վերահսկողության մասին» ՀՀ օրենքի 20-րդ հոդվածի 1-ին և 5-րդ մասերով և «Ձենքի մասին» ՀՀ օրենքի 12-րդ հոդվածով նախատեսված տեսուչների հրազենի գործադրման անհրաժեշտություն առաջացնող իրադրություններում գործելու՝ իրենց պիտանիությունը որոշող պատրաստության ստուգումներ:
3. Հետևել «Ձենքի մասին» ՀՀ օրենքի 12-րդ հոդվածով սահմանված Տեսչական մարմնի աշխատակիցների կողմից զենք պահելու և օգտագործելու թույլտվության ձեռքբերման ժամկետների պահպանմանը:
4. Տեսչական մարմնի՝ զենք պահելու և օգտագործելու թույլտվություն ունեցող աշխատակիցները, որոնք այդ թույլտվությունը ստացել են լուծարված ՀՀ բնապահպանության նախարարության աշխատակազմի բնապահպանական պետական տեսչությունից, զենքը պետք է պատշաճ ձևով հանձնեն ՀՀ ոստիկանություն:
5. Տեսչական մարմնի ղեկավարը պետք է ընդունի գրավոր հրաման հատուկ պատրաստություն անցած և ՀՀ ոստիկանությունից զենք ստանալու, պահելու ու կրելու թույլտվություն ստացած աշխատակիցներին զենք տրամադրելու վերաբերյալ:

6. ՀՀ Ոստիկանության հետ կնքել աշխատողների հատուկ պատրաստության իրականացման պայմանագիր:
7. Հետամուտ լինել իր իրավասությանը վերաբերող իրավական ակտերի միմյանց համապատասխանությանը, այն է ՀՀ կառավարության 2005 թվականի դեկտեմբերի 9-ի № 2242-Ն որոշման մեջ սահմանված զենք կրելու իրավունք ունեցող պաշտոնների անվանացանկը պետք է համապատասխանեցվի ներկայիս իրավիճակին:

ՀՀ Ոստիկանությանը՝

1. Համագործակցել Տեսչական մարմնի հետ հրազենի գործադրման անհրաժեշտություն առաջացնող իրադրություններում գործելու՝ տեսուչների պիտանիությունը որոշող պատրաստության ստուգումներ կազմակերպու համար ինչի համար կնքել համապատասխան պայմանագիր Տեսչական մարմնի հետ:
2. Հետևել «Զենքի մասին» ՀՀ օրենքի 12-րդ հոդվածով սահմանված Տեսչական մարմնի աշխատակիցների կողմից զենք պահելու և օգտագործելու թույլտվության ձեռքբերման ժամկետների պահպանմանը:
3. Հետևել, որ ՀՀ բնապահպանության նախարարության աշխատակազմի բնապահպանական պետական տեսչության այն աշխատակիցները, որոնք ունեն սահմանված կարգով ստացված զենք օգտագործելու կամ գործադրելու թույլտվություն, դրանք պատշաճ ձևով հանձնեն ՀՀ ոստիկանություն, քանի որ իրենց թույլտվությունները ուժը կորցրած էին ճանաչվել ՀՀ բնապահպանության նախարարության աշխատակազմի բնապահպանական պետական տեսչության լուծարման փաստով դեռևս 2017թ. օգոստոսի 20-ից:

Հաշվեքննության օրյեկտների ղեկավարների պատրասխան

Տեսչական մարմին՝

Տեսչական մարմնի կողմից «Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասով սահմանված 10 օրյա ժամկետում չի ներկայացվել առարկություններ և բացատրություններ՝ կազմված հաշվեքննության արձանագրությունում նշված անհամապատասխանությունների կամ խեղաթյուրումների, ինչպես նաև այլ տեղեկատվության վերաբերյալ:

ՀՀ բնապահպանության նախարարություն՝

ՀՀ բնապահպանության նախարարության կողմից այս կետի վերաբերյալ առարկություններ և բացատրություններ չեն ներկայացվել:

VII.ՖԻԶԻԿԱԿԱՆ ՈՒԺԻ, ՀԱՏՈՒԿ ՄԻՋՈՑՆԵՐԻ ԵՎ ԱՌԱՋԻՆ ԲՈՒԺՕԳՆՈՒԹՅՈՒՆ ՑՈՒՑԱԲԵՐԵԼՈՒ ՀՄՏՈՒԹՅՈՒՆ ՁԵՌՔ ԲԵՐԵԼՈՒ ՊԱՐՏԱՎՈՐՈՒԹՅՈՒՆԸ

«Բնապահպանական վերահսկողության մասին» ՀՀ օրենքի 20-րդ հոդվածի 1-ին մասի համաձայն Տեսուչը տեսչական գործողությունների ծավալման ամբողջ ընթացքում պարտավոր է իր հետ ունենալ առաջին բուժօգնության համար համապատասխան պարագաներ՝ դրանց համար